



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a **Creative Commons Attribution-NonCommercial
3.0 Unported** (CC BY-NC 3.0) license.

Դու կարող ես.


պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

9199-
44



444

705

11
10007-

372

2783

~~# 839~~ ~~# 29~~ ~~# 25~~ 372

705

47

23 JUN 2005

Ղ. ԱՂԱՅԵԱՆՑ



ՏՈՒՔ-ԱՆԳԵՂ

ԵԻ

ՀԱՅԿԱՆՈՒՇ-ԳԵՂԵՑԻԿ

ՀԻՆ ԶՐՈՅՑ



ԹԻՖԼԻՍ

ՅՈՎՀԱՆՆԷՍ ՄԱՐԻՆՈՍՅԱՆԻ ՏՊԱՐԱՆ
ՕՐԻԵՆՏԱԿԱՆ ՓՈՂՈՑ, Տ. 12
1888

~~№ 839. № 29. № 25~~ 372

Ղ. ԱՂԱՅԵԱՆՑ

ՏՈՐՔ—ԱՆԳԵՂ

ԵՒ

ՀԱՅԿԱՆՈՒՇ—ԳԵՂԵՑԻԿ

ՀԻՆ ԶՐՈՅՑ



705-2009

(3150/41)


h8403

ԹԻՖԼԻՍ
ՅՈՎ. ՀԱՆՆԵՒՍ ՄԱՐՏԻՐՈՍԵԱՆՑԻ ՏՊԱՐԱՆ
ՕՐԲԵԼԵՐՆ ՓՈՂՈՑ, 1/2.
1888

Дозволено цензурою, Тифлисъ, 24 Марта 1888 г.



3150
41



Ն Ա Խ Ե Ր Գ Ա Ն Ք

Բացուել էր զարունը, ջրերը պղտորուել,
Սար ու ձոր կանաչել, ծաղկով զարդարուել.
Ծիծեռը գտել է իւր բունը հերուան,
Չինում էր, կարկատում, դնում նոր ձուան.
Օձը տաքացել էր, թողել էր իւր բուն,
Սոխակն սպասում էր վարդի բացուելուն.
Դուզարաց աշխարհը նոր կեանք էր առել,
Լոքի ու Լալուարի ձիւները հալուել.
Գետը Բողնոփորի վաղ արշալուսին,
Յորդացած վշշում է փրփուրն երեսին.
Անտառում Ուփրէթը՝ ամբողջ Արամեան,
Զուքուել, զարդարուել է նոր-հարսի նման.
Բուրգերից խնդուլթեան արցունք է հոսում,
Կարծես սիրակարօտ հիւրի է սպասում.
Ամբողջ տիրուհին՝ չքնաղն ՀԱՅԿԱՆՈՒՇ,
Գեռ փափուկ անկողնում քնած է մուշ-մուշ.

Տեսնում է երազում մի մարդ աժդահա,
Մի գերան ուսին դրած՝ գալիս է ահա.
Դալիս է աժդահան ընկնում ոտքերը,
Ասում է՝ «Հայկանուշ, դու ես իմ սէրը.
Կամ ինձ այս գերանով դարկիր, սպանիր.
Կամ իմ աղաչանքն լսիր, ընդունիր»:

Վեր կացաւ տիրուհին փափուկ անկողնից,
Ինչպէս մի նոր արեւ ծովի խորքերից.
Ոսկեմազ ծամերը ճաճանչի նման
Ծածկեցին մինչև ոտք հասակն աննման.
Երեք-չորս նաժիշտներ մօտեցան կուսին,
Տօն օրուայ հագուստով նրբան զուքեցին.
Նոր տեսած երազը գրաւել էր նրան,
Աչքից չի հեռանում ահուելի հսկան.
«Մենք շուտով, ասում է, մէկ հիւր կունենանք,
Պէտք է նրա առջև դուռը չըբանանք.
Ես տեսայ երազում մի մարդ ահարկու,
Եկել էր ոտքս ընկել իբրեւ փեսացու»...
—«Այդ հսկան, թէ կուգես իմանալ ճիշտը,—
Ասում է ժպտելով նորա նաժիշտը,—
Երեկուայ զուսանի երգի հերոսն է,
Պառքամեան աժդահա Անդեղեայ Տորքն է.
Պարխարեան լեռներում՝ երգչի ասելով,
Կենում է մի հովիւ քաջ Տորք անունով.
Նա մի շատ լաղթանդամ հսկայ է զօրեղ,
Բայց սիրտը բարի է, թէև դէմքն ահեղ.
(Թող մարդ կոպիտ լինի անհարթ սարի պէս,
Միայն սիրտը չըլնի անշունչ քարի պէս).
Նրան շատ սիրում են թէ մարդ, թէ գազան,
Առիժ ու վագրեր են հօտին պահապան.
Նա քո ցեղակիցդ է, քեզ մօտ աղգակից,
Մի պապի թոռներ էք և մէկ արինից.

Դուսանի ներքոյը աղդել է վրադ,
Երազում տեսել ես աղգակից հսկադ»:
—«Պէտք է պատրաստ կենանք, ինչ էլ որ լինի,
Բերէք մէջքիս կապեմ իմ թուրն հաւունի.
Ամրոցի դռները ամուր փակեցէք,
Լուացէք զլիններդ, մաքուր հագնուեցէք.
Ես գիտեմ, երազն պիտի կատարուի,
Մենք հիւրին կընդունենք, եթէ ներս մտնի.
Թէ փակած դռնովը ներս գալ կարենայ,
Այդ նշան կըլինի, որ քաջ Տորքն է նա»:
Իրաւ որ քաջ Տորքն էր երազի հսկան,
Գնանք, իմ ընթերցող, և բերենք նրան:

Ե Ր Դ Ա Ռ Ա Ջ Ի Ն

1.

Զատ դարեր առաջ Հին Հայաստանում,
Տորք—Անդեղ անուամբ մի մարդ էր կենում:
Տորքը չէր նման հասարակ մարդու,
Այլ մի աժդահա և շատ ահարկու.
Աչքերը կասես մի-մի կապույտ ծով,
Ճաճանչաւորուած արևի լուսով.
Սև-սև ունքերը՝ մութ ամպի նման՝
Բարդ-բարդ կուտակուած աչքերի վրան.
Քիթը կորընթարթ, իբրև մի բուր,
Ատամներն ուրազ, եղունգները թուր.
Կուրծքը կասենաս մի լանջ է լեռան,
Մէջքը սարաժայռ, կռները զերան.
Մի խօսքով մի գէով և ոչ թէ հսկայ,
Ոչ ոք տեսած չէր այնպէս աժդահա:

Տգեղ էր Տորքը և շատ էր տգեղ,
 Դրրա համար էլ ասուեցաւ Անգեղ.
 Տգեղ էր գէմքը և այնքան դաժան,
 Որ դարհուրում էր, ով նայում էր վրան.
 Ահա ելի էր նա և այնքան ուժեղ,
 Որ լիսուն զոմէշ չունէին մէկտեղ.
 Նա դեռ պատանի ժայռեր էր ճեղքում,
 Ճեղքում էր ձեռքով, ձեռքով էլ կոկում.
 Ճեղքում, լղկում էր քարէ տախտակներ,
 Եղունգով փորում պէս-պէս նկարներ:
 Նա մի հովիւ էր, հովիւ լեռնական,
 Բայց ոչ հասարակ, այլ գիւցաղնական.
 Առիւծ ու վագր նրան տեսնելիս՝
 Սովոր շան նման մօտն էին գալիս.
 Կարծում էին թէ՛ նա էլ է գաղան,
 Եւ նա է իրանց զօրաւոր արքան.
 Փաթաթվում էին քաջի ոտներին
 Եւ կաղկանձելով աղերսում բաժին.
 Նա էլ տալիս էր սնունդ բաւական
 Եւ հօտի վրայ կարգում պահապան.
 Ինքն այնուհետեւ գնում էր անտառ,
 Որ սնունդ գտնի իւր ուժի համար.
 Նա պոկոտում էր մեծ ծառեր հատ-հատ,
 Ու շինում նրանցից մի մեծ ցանկապատ.
 Անտառի շուրջը պարիսպ էր դառնում,
 Մէջը վայրենիք կաշկանդուած մնում.
 Եւ նա բռնում էր, բռնոտում այսպէս,
 Եղնիկ, եղջերու և այլ ինչ ասես:
 Քօան, երեսուն էրէ շալակած,
 Գնում էր հօտը յոգնած ու քրտնած.
 Առիւծն ու վագրը գէմն էին գալիս,
 Քաջի ոտքն ընկնում և բարեւ տալիս,

Եւ խնդրում էին գիւցաղն Տորքին,
 Մասնակից անել համեղ ընթրիքին:
 Նա չէր շատակեր Ջարալի նման,
 Սիրում էր կաթը և մածուն ու թան.
 Եւ չէր բարկացկոտ, այլ հեղ ու խօնարհ,
 Բայց Տէրն աղատէր, թէ որ բարկանար:

2.

Մէկ անգամ գիւղում Տորքին զայրացրին,
 «Անգեղ, գէշ Անգեղ», չետքից գոչեցին.
 Էլ չըհամբերեց, պոկեց մի մեծ ծառ,
 Աւելեց նրանով ամբողջ գիւղն իսպառ.
 Ատում եմ աւելեց, չըկարծէք սրբեց,
 Այլ տուն, զոմ, մարաք գետնին հաւտարեց.
 Փախան մարդիկը ճանձերի նման,
 Էլ ով կըկանգնէր Տորքի յանդիման.
 Այսպէս երբ նրա բնութիւնն իմացան,
 Էլ այնուհետեւ սրտին չըգիպան,
 Այլ մեծ յարգանքով պատուասիրեցին,
 Պարերդ շինելով գովաբանեցին.
 Տղերք, աղջրկէրք՝ ձեռք ձեռքի տուած,
 Եւ պարում էին, և գովում Տորքին.
 Էլ այնուհետեւ նրա գէմքն ահեղ
 Առաջուայ նման չէր թվում անգեղ:
 Անգութ չէր Տորքը և ոչ էլ անգէտ,
 Լաւ որմնագիր էր և ճարտարապետ.
 Ահադին վէմեր նա բերաւ տաշեց
 Իւր քանդած գիւղը նորմէկանց շինեց.
 Եւ այնուհետեւ իւր ուժն ահադին
 Նա գործ էր գնում միշտ գէպի բարին:

Նրանից առաջ շատ քաղաք ու գիւղ
Թալանում էին գողերն աներկիւղ,
Բայց երբ լոյս ընկաւ Անգեղ Տորք Հսկան,
Աւագակները ծակ ու ծուկ մտան:

Նա չէր գործ ածում ոչ թուր և ոչ նետ,
Միայն իւր տեսքով անում էր անհետ.
Բայց երբ թշնամին երես էր առնում,
Նա այն ժամանակ ուժին էր դիմում.
Վերցնում էր քարեր, քարեր ահագին
Եւ կարկուտի պէս թափում գլխներին:

Սև ծովի կողմից օտար թշնամիք
Թալանում էին և զերում մարդիկ.
Միշտ գալիս էին անթիւ նաւերով,
Այն էլ աշկարա, օրը ցերեկով,
Կողոպտում էին ծովափնեայ գիւղեր,
Եւ գերի տանում սիրուն աղջիկներ:

Մէկ անգամ եկան խնդրեցին Տորքին,
Որ գնայ օգնէ խեղճ ժողովրդին.
Գնաց մեր Հսկան, բայց նաւերն արդէն
Հեռացել էին Սև ծովի ափէն:

Զայրացաւ Տորքը, գռուաց, մռնչաց,
Իբրեւ մի առիւծ նետահար եղած.
Բլրաչափ ժայռեր սարերից պոկեց,
Փախչող նաւերի վտքից շրպրտեց.
Դրդաց ծովը, բարձրացան ալիք,
Նաւերը դարձան շաւի խաղալիկ.
Ահա դարձեալ ժայռ, դարձեալ դրդոց,
Ջրջվում են նաւերն իբրեւ օրօրոց.
Էլի մէկ բլուր, մեծ քան զառաջին՝
Ընկնում է ուղիղ նաւերի գլխին:

Գնում են կրկին ժայռերը գունդ-գունդ,
Զարկվում նաւերին և տանում անգունդ:

Ողջ կորան այսպէս աւագակները,
Դէպի անյատակ ծովի խորքերը.
Նրանցից միայն մէկն աղատուեցաւ,
Դլուխը պատռած՝ իւր երկիրն հասաւ,
Եւ այնտեղ այնպէս հրաշքներ պատմեց,
Որ լսողներին սարսափեցրեց:

Ահա այս անգութ բարբարոսութեան
Վերջ տուաւ իսպառ մեր զօրեղ Հսկան:

3.

Տորքի անունը շատ հռչակուեցաւ,
Մինչև արքայի ականջը հասաւ.
Մեծ թագաւորը կանչում է Տորքին,
Որ պարզեներ տայ և նայէ դէմքին.
Գնում է Տորքը մի ծառ ուսին դրած,
Ծառի ճղներից էրէներ կախած.
Այնտեղ կար այժեամ ու վայրի ոչխար,
Եղջերու, վարազ ու կըխտար:

Տորքի համբաւը առաջ էր գնացել
Եւ քաղաքացոց նախապատրաստել.
Խանութ ու կրպակ ողջ կողպոտեցին,
Փողով փողհարով զիմաւորեցին.
«Եկաւ, հա եկաւ, գալիս է, գալիս»,
Ամենքն էլ իրար ի. ց են տալիս.
Թէ ծեր, թէ մանուկ, թէ աղջիկ, թէ կին,
Եկան տեսնելու նորեկ հսկային:

Երբ Տորքը մտաւ մեծ մայրաքաղաք,
Նրան կարծեցին շարժուն աշտարակ.
Յիրաւ՝ նա ցած չէր աշտարակներից,
Բուրդ էր նա շինուած անտաշ քարերից:

Ծառն ուսին դրած զաւաղանի պէս,
 Քայլեր է անում չորս կանգուն ու կէս.
 Այսպէս նա հասաւ մինչև ապարանք,
 Արքայի վրայ ազդեց մեծ զարմանք.
 Վայր դրաւ բեռը, բարձրացաւ վերև,
 Ծնկաչոք ընկաւ արքայի առջև.
 Թագաւորն ասաց, «ապրի՛ս, ապրի՛ս, Տօրք,
 Ի՞նչ ես մի հատ մարդ, այլ մի ամբողջ զօրք»:
 Արքայի ծունկը Տօրքը համբուրեց,
 Արքան էլ նրա ուսին ձեռք դրեց:

4.

Լսել էր արքան, որ հսկայ մարդիկ
 Չեն լինում խելօք և ոչ էլ ճարպիկ,
 Բայց երբ Տօրքի հետ լաւ ծանօթացաւ,
 Նա այս կողմանէ մի նոր դիւտ արաւ:
 Տօրքին նա պահեց մօտ երեք ամիս,
 Հետն էր նստեցնում միշտ ճաշ ուտելիս.
 —«Ի՞նչպէս ես կարծում,—մէկ օր հարցրեց,—
 (Հսկայի խելքը նա փորձել ուզեց)
 Ո՞րն է գերազանց, ո՞ւժը, թէ՞ խելքը»:
 —«Երկուսն էլ լաւ են», ասաց քաջ Տօրքը,
 «Փոքրիկ ուժի մէջ չի լինիլ մեծ խելք,
 Ոչ էլ ուժեղը կրկնի անխելք.
 Բայց ի՞նչ է խելքը,—ոչ ոք չըզդիտէ,
 Անխելքի համար խելօքն անմիտ է:
 Ուրիշ է խելքը գլխապահութեան,
 Եւ ուրիշ խելքը յափշտակութեան.
 Այդ ամենքն ունին թէ՛ մարդ, թէ՛ զազան,
 Թէ՛ խելօք լինի, թէ՛ անմիտ անբան:
 Բայց կայ մի այլ խելք, խելք գիւցազնական,

Որ հնարում է, ստեղծում է բան,
 Որ մեզ տանում է միշտ դէպի բարին
 Եւ մօտեցնում Արարչի գահին,
 Որ բանեցնում է օդին ու ջրին,
 Ծառայեցնում կրակին, հողին,
 Զինում է զուժան, կամն ու ճախարակ,
 Հերկում, մշակում դաշտ ու ագարակ,
 Որ քարին, փայտին տալիս է նոր ձև,
 Նոր դորձադրութիւն, և այն յարատև.
 Այս է ճշմարիտ խելքն իմ կարծիքով,
 Մարդը գազանից վեհ է միայն սրանով»...
 Զարմացաւ արքան, այլ և հիացաւ,
 Երբ հսկայ Տօրքից այս բանն իմացաւ:

5.

Մէկ օր էլ արքան տեսաւ մեր Տօրքին՝
 Մէկ բլրաչափ ժայռ բռնել է ձեռքին,
 Ահագին ժայռը շուռ-մուռ է տալիս,
 Կարծես երեխայ լինի խաղցնելիս.
 Ժայռը ձեղքում էր Տօրքը ձեռքերով,
 Փորում, փորփրում սուր եղունգներով.
 Փորեց, փորփրեց, տաշեց, տաշտորշեց,
 Վերջն արքայի պէս մի արձան շինեց.
 Եւ ինչքան նման, ինչքան գեղեցիկ,
 Զորն այնպէս կարել չէր կարող դերձիկ.
 Արքան կատարեալ,—ծիրանի հագած,
 Բոլոր զարդերով զուքուած, զարդարուած,
 Գահի վրայ բազմած, թագը դրած գլխին,
 Թուրը քաշ արած, զաւաղան ձեռքին,
 Փառահեղ մրրքով, մարգարտով հիւսած,
 Երբ տեսաւ արքան, մնաց հիացած:

«Այս ի՞նչ հրաշք է», մէկ օր էլ արքան,
Տորքին նայելով՝ ասաց ինքն իրան.

«Փիղը խելօք է, թէև ահագին,
Բայց ո՞վ կրկարծէ, որ այս հսկային
Աստուած տուել է և՛ խելք և՛ հասակ,
Այլ և նկարչի հրաշալի ճաշակ.
Արդեօք՝ սէր էլ կան այս մարդու սրտում,
Բայց ո՞վ կրօիրէ սրան աշխարհում.
Ո՞րտեղ կըգտնուի այնպիսի մի կին,
Որ ուզի դառնալ սորան ամուսին.
Բայց լաւ կըլինէր, եթէ յաջողէր,
Մենք կունենայինք քաջ հպատակներ»:

Այսպէս մտածեց արքան ինքն իրան
Եւ կանչեց Տորքին, որ խօսեցնէ նրան:
— «Տորք, — ասաց արքան, — ես չեմ հաւատում,
Որ սէր ունենաս քո կարծր սրտում»:

Փպտաց մեր հսկան, ինչպէս մի ծծկեր,
Երբ մօրից լսէր, թէ արի ծիծ կեր,
Եւ սրտի սէրը իւր վառ կայծերով
Փռուեց երեսին վարդի թերթերով:
— «Իսկ ես, արքայ քաջ, ասաց մեր հսկան,
Ինձ որ ասէին, թէ կալ մի զաղան,
Մի օձ, մի ծաղիկ, կամ մի անշունչ քար,
Չէի հաւատալ, որ սէր չունենար.
Երկինք ու գետինք, թէ ցամաք, թէ ծով,
Բոլոր տիեզերք լցուած է սիրով»:

— «Տորք, դու խօսում ես իբրեւ սիրահար,
Ընտրել ես անշուշտ մէկին քեզ համար»:
— «Ո՞ւմ պէտք է ընտրեմ յարմար իմ սրտին,
Ես դեռ չեմ գտել ինձ նման մէկին».

չեռու աշխարհում մեր սերնդից կան,
Բայց ես չըզիտեմ այն երկրի ճանպարհ.
Մէկին տեսնում եմ այնտեղ երազում,
Որպէս թէ մի խոր ձորում է կենում.
Ինձ նման անբախտ, ինձ նման մենակ,
Բայց ոչ ինձ նման անդեղ, այլանդակ.
Նա զեղեցիկ է և շատ զեղեցիկ,
Ինչպէս նոր ծագած կարմիր արևիկ»:
— «Բայց ի՞նչ ես կարծում՝ այդ զեղեցիկուհին
Կըգտնանայ արդեօք քո ընկերուհին»:
— «Նա ինձ երազում հաստատ խօսք տուաւ,
Եւ խոստանալով՝ մի պայման դրաւ.
«Եթէ գաս», ասաց, «կուես ու յաղթես,
Դու ինձ կըստանաս, կառնես կրբերես».
Հիմա չըզիտեմ՝ որտեղ կըգտնեմ,
Որ կուես, յաղթեմ ու առնեմ բերեմ»:
— «Ես իմաց կըտամ իմ բոլորներին,
Նրանք կըգտնեն քո զեղեցիկուհին»:
Տորքն ուրախացաւ, բայց և ամաչեց,
Տղայի նման նա կարմրեցաւ.
Արքայի ծնկան նա համբոյր տուաւ,
Եւ իսկոյն ևեթ մօտիցը փախաւ.
Թագաւորն ինքն էլ շատ ուրախացաւ,
Որ Տորքի սիրոյ գաղտնիքն իմացաւ:

Արքան հրաւիրեց կուսակալներին,
Որ այդ ժամանակ պալատումն էին,
«Կուգեմ իմանալ, ասաց, մեր երկրում
Ի՞նչպէս ցեղեր կան, ինչպէս են ապրում».

(Թագաւորն ինքը չէր մեր աշխարհից,
Այլ հրաւիրուած մի ուրիշ երկրից).
«Արդեօք մեր երկրում վաղուայ պէս չըկան
խոշոր հսկաներ մեր Տորքի նման»:

Ամենից սուաջ խօսեց Աւանը,
Բաղաց աշխարհի զօրեղ իշխանը.
— «Ո՛ղջ լեր, Թագաւոր, մեր երկրում դեռ կան.
Յաղթանակամ մարդիկ ճիշտ Տորքի նման.
Նրանք կենում են լերանց խորշերում,
Մթին ձորերում և քարայրերում.
Պնդոցն են քաշվում, որ ազատ մնան,
Քեօխվի ու գգրի ոչինչ հարկ չըտան.
Տներ են շինում և գետնի տակին,
Անքար ու անփայտ, սարերի միջին.
Տեսնում ես նաև հարթ գետնի տակից
Ծովն է դուրս գալիս քառասուն տեղից.
Ճըշկվում է մարդ, թէ սա ի՞նչ բան է,
Մի՞թէ սա զիւղ է, — ո՛վ կարծիք կանէ.
Մի դուռն ես գտնում, մտնում և ահա,
Քսան, երեսուն մարդիկ աժդահա,
Մի քանի գերան կրակին դրած,
Նստած են շուրջը մըռութնին կախած.
Իսկ նրանց մայրը՝ պառաւ աժդահան՝
Դրել է կրակին քառականթ կաթսան,
Երեք-չորս վարազ ողջ-ողջ մէջն ածած,
Ճաշ է պատրաստում մէկ թի ձեռքն առած.
Խառնում է կաթսան թիաշերեփով,
Ինչպէս մեր կանայք փոքրիկ չամչիկով.
Տունն ունի նաև անթիւ մաղարէք,
Այնտեղ են լցուած հարսն ու աղջկէրք,
Բոլորն էլ խոշոր, բոլորն էլ հսկայ,
Թէ մարդ թէ կնիկ, աղջիկ թէ տղայ.

Բայց չեն Տորքի պէս անտաշ ու անկազմ,
Այլ շատ գեղեցիկ և վաչելահազմ»...
— «Ուղիղ է ասածն Աւան իշխանի,
Ասաց բղէշիւր Գուգարաց երկրի.
Մեր հսկաներն էլ ձորերը մըտան,
Որ գղերներին ոչինչ հարկ չըտան.
«Ով որ, ասում են, գգրի ձայն լըսի,
«Նա տեղն ու տեղը ձեան պէս կըհալէի.
«Մարդիկ էնդուր են այնչափ մանրացել,
«Ու մէջքրներից թեքուել, կըռացել,
«Որ հարկ են տալիս գգրին ու քոխվին,
«Այն էլ դրամով, որ բնաւ չունին:
«Մենք չունինք գղեր, քեօխվա, քեաթխուդա,
«Էնդուր ենք մնացել այսպէս աժդահա»:
— «Բայց մի՞թէ իրանք զրամի պէտք չունին»,
Հարցրեց արքան Լօռու բղէշիւին:
— «Դրամը պէտք է սնունդի համար,
Որ գնեն սնունդ և հագուստ չարմար.
Երկուսն էլ ունին. ունին վար ու ցան,
Ունին խոզ, ոչխար, լծկան ու կթան.
Ունին վուշ, բամբակ և որդ շերամի,
Ջանաղան ներկեր և որդն կարմրի.
Կանայք մանում են, ներկում ու գործում,
Սիրուն հագուստով գուքվում, զարդարվում.
Նոյնպէս հագցնում են բոլոր միւսներին,
Գործում են զորդ, շալ, և տան անկողին,
Եւ այլ ամենայն մանր ու խոշոր բան,
Ինչ որ գործվում է և պէտք է մի տան.
Ունին եղ ու մեղր և մածուն ու թան,
Միրգ, հունդ, արմտիք, բանջար զանազան.
Աղբիւրներ ունին վճիտ, սառնորակ,
Վիրաբուժութեան գիտեն դեղ, ճարակ.

Իսկ ինչ որ չունին և պէտք է իրանց,
 Փոխանակելով տալիս են միմեանց.
 Գինի և օղի նրանք չեն խմում,
 Մոլութիւններէց հեռու են փախչում.
 Եւ ապրում էլ են նրանք շատ երկար,
 Ոչ մէկը չըկայ հիւանդոտ, տկար:
 Բոլոր անդամներն ամբողջ համայնքի,
 Զաւակ են կարծւում մի ընտանիքի.
 Այսպէս միաբան, սերտ սիրով կապուած,
 Մէկ մէկու համար գլուխ չետ դրած:
 Զատ հիւրասէր են և մեծահոգի.
 Խիստ աւանդապահ և առաքինի»...
 — «Բայց մեզ ինչ օգուտ այդ հսկաներից,
 Երբ որ փախչում են հարկահաններէց»:
 — «Հարկից խորշում են, բայց ոչ կռուելուց,
 Ո՛չ հայրենիքի պաշտպան լինելուց.
 Ունին ահագին աղեղ, պարսատիկ,
 Կռիւ են գնում ինչպէս հարսանիք.
 Քարեր ու նետեր կարկուտի նման
 Թափում են կռուող թշնամու վրան.
 Իսկ երբ քար ու նետ չունին ձեռներին,
 Գիմում են իրանց ուժեղ կռներին.
 Մէկը հարիւրին, տասը՝ հազարին,
 Զարգում են, ինչպէս դալը՝ ոչխարին»:
 — «Եթէ այդպէս է, ազատ թողեցէք,
 Այդ հսկաներից էլ հարկ մի առնէք.
 Բայց «մէկ պայմանով», ասում է արքան,
 Որ մեր քաջ Տորքին մի հարսնացու տան»:
 — «Այդ շատ դժուար է, ասաց իշխանը,
 Թէև կատարեն քո խիստ հրամանը.
 Նրանց մէջ առանց մենամարտելու
 Սովորութ չըկայ աղջիկ ուզելու.

Մրցել են տալիս փեսացուներին,
 Որ աղջիկն ընկնի վերջին յաղթողին.
 Բայց գործը դրանով դեռ չի վերջանում,
 Յետոյ աղջիկն ու տղան են մրցում.
 Եթէ փեսացուն չի յաղթում աղջկան,
 Իլ այն աղջիկը չի գնում նրան»:
 — «Ուղիղ մեր Տորքի երազի նման,
 Ասաց խնդալով մեծադոր արքան.
 Մենք էլ կուղարկենք մեր հսկայ Տորքին,
 Թող գնայ փորձէ իւր ուժն ահագին»...



ԵՐԳ ԵՐԿՐՈՐԴ



1.

Սրտեղ, ով դու Սէր, ով Հին
բարեկամ,
Տուր Հոգւոյս թուխք, որ ես կարենամ,
Նկարել չքնաղ պատկերդ երկնային,
Իմ թոյլ վրձինով՝ գրչով մարդկային:
ՀԱՅԿԱՆՈՒՇ, և... **ՏՈՐԲ**, — Ինչ նմանութիւն,
Բայց սէրը չունի ոչինչ խորութիւն.
«Սէրը, ասած է, աթարին կը պաւ,
Ինչ արին, չարին, էլ պուկ չի եկաւ»:
Զատ անգամ առիւծ, արջ, օձ, բորենի,
Արծիւ ու ագռաւ և այլ կենդանի,
Փեսայ են դառնում սիրուն աղջրկան,
Եւ առնում տանում իրանց բնակարան.
Բայց սովորաբար՝ այս դէպքի վըրայ,
Նրանք դառնում են շատ սիրուն տղայ.

ճշարտ, սէրը կախարդուած անձին
Նորից տալիս է իւր դէմքն առաջին.
Թռչուն ու սողուն, ամեհի զազանք
Նորից առնում են մարդու կերպարանք:
Գեղեցկութիւնը արեւի նման
Լուսաւորում է խաւար առարկան,
Իսկ սէրը քարշում շատ ճառագայթներ,
Սրտի Հնոցում վառում է լապտեր:
Խիվում է աչքը, որ տեսնէ Հեռուն,
Սիրտն է խօսողը, լոււմ է լեզուն.
Եւ այնուհետեւ երազներ պէս-պէս
Ուղեղի խորքում գալիս են Հանդէս.
Սիրահար սիրտը թողում է գետինք,
Սիրոյ թւերով թռչում է երկինք. . .

2.

Ամառնամուտ է. Լոք սարն իւր զաղաթ
Դաշտեցոյ Համար շինել է գրախտ.
Որ կողմ նայում ես՝ տեսում ես Հրճուանք,
Անմեղ, երկնային սիրոյ փաղաքշանք.
Ծաղիկներ գոյն-գոյն և անուշաբույր
Տալիս են իրար քնքուշիկ Համբոյր.
Անթիւ աղբիւրներ, վճիտ, սառնորակ,
Իրար գրկելով՝ մտնում են ձորակ.
«Սէր-սէր» է կանչում Հովուի սրբինդ,
Կայտում են ուլեր, խայտում են զառինք.
Այդ սարի գլխին կանգնած է ահա
Մի պանդխտական անծանօթ Հսկայ.
Բայց ուրիշ մարդ չէ այդ նոր վիթխարին,
Այլ մեր բարեկամ Տորքն է ահագին.

Հսկայի առջև մինչև բիւր մըղոն
 Բացուել է մի լայն, շրքեղ հօրիզոն.
 Նրա ոտքի տակ մեծամեծ լեռներ
 Փռուած են ինչպէս աննշան թումբեր,
 Հսկայն լեռների՝ Կովկասի շղթան,
 Ինչպէս ցամաքի մի լեռաթան,
 Գլուխը թաղել է Եւքսինեան ծովում,
 Պոչը Վրկանայ ծովումն է շարժում.
 Ահռելի մի պատ, բուսած անդունդից,
 Մէջից կտրում է հարաւն հիւսիսից.
 Ինչպէս մի քամար արմազ քարերով՝
 Զրջապատուել է գետնքի փորով.
 Տես, Արևն ահա Վրկանայ ծովից
 Իւր բոլոր շրքով ծագում է մօրից.
 Նա իւր շափաղը, ցնցուղն առաջին
 Սըփում է Կովկաս Հսկայի գէմքին.
 Ի՞նչ տեսարան է, ինչքան փառահեղ,
 Յափշտակուեցաւ մեր պանդուխտն ահեղ.
 Այս տեսարանից վերացաւ հսկան,
 Եւ իսկոյն չոքեց դէմ Արեգական.
 Նա ահեղ ձայնով երգեց մի մաղթանք,
 Լեռներ ու ձորեր տուին արձագանգ:

3.

Այստեղ մի հովիւ մօտեցաւ Տօրքին,
 Մի ոչխարակալ գաւազան ձեռքին.
 Կարծես ուղարկեց նրան արեգակ
 Մեր հսկայի մօտ իբրև հրեշտակ.
 —Ո՞վ ես դու, ասաց, հսկայդ մեծագոր,
 Եւ ո՞ւմ ես կանչում ձայնովրդ հօր.

—«Ես մի պանդուխտ եմ, ասաց մեր հսկան,—
 Ինչպէս մոլորուած մի թափառական.—
 Այս ի՞նչ երկիր է մեր առջևն ընկած,
 Ի՞նչ աւաններ են դաշտ ու ձոր լցուած»:
 —Ճշմարիտն ասած, ես լաւ չըգիտեմ
 Սրանց անունը, որ մէկ-մէկ թուեմ.—
 Եւ հովիւն անմեղ իւր գաւազանով
 Յոյց տուաւ Տօրքին իրանց անունով
 Մի քանի քաղաք և մեծ-մեծ աւան.
 Թէ՛ «այն Գաջէնքն է և այն Մոշափան.
 Իսկ այն քաղաքն էլ, որ երկար ու մէկ
 Բողնոփորի մէջ ձգուած է բեկ-բեկ,
 Յուրտաւ քաղաքն է՝ հարուստ, այգեւէտ.
 Իսկ այս էլ ահա ամրոցն է Ուփրէթ,
 Որ պատկանում է մի շատ աննման
 Եւ շատ գեղեցիկ մի որբ աղջրկան:
 —«Այդ ի՞նչ աղջիկ է, ի՞նչ է նրա անուն».
 —Նրբա անունն է «Հայկանուշ-Սիրուն».
 Ինքը մի չքնաղ և չնաշխարհիկ,
 Ոչ ոք ծնուած չէ այնքան գեղեցիկ.
 Նա աննման է, չափազանց սիրուն,
 Դեռ չի լրացրել տասնմեութ գարուն:
 —«Միթէ նա չունի ծնողք, ազգական,—
 Հարցրեց յուզուած սիրահար հսկան:
 —Բգէշիւր նրանց Գաջէնք է տարել,
 Մնացել են այնտեղ, էլ յետ չեն եկել:
 —«Ուրեմն ո՞ղջ են նրանք Գաջէնքում.
 —Ոչ, նրանք ողջ են գուցէ երկնքում:
 —«Ուրեմն մեռել են, էլ նրանք չըկան.
 —Եւ միշտ կըմեռնին, երբ սարը չըգան:
 Ինչպէս է եղել, նրանք մէկ ամառ
 Սարը չեն եկել, և դրա համար

Արևը նրանց ամբողջ գերդաստան
 Զրկել է սարից, որ երբեք չըզան:
 — «Տա ու՛ր է պահում այդ սիրուն աղջկան,
 Եթէ նա չունի ոչ մի ազգական.
 — Ուրիշներին էլ նա ինքն է պահում,
 Ամեն կարօտեալ նրան է զիմում.
 Ունի նաժիշտներ, անթիւ ծառաներ,
 Մի նոյնքան շներ, բիւրաւոր հօտեր.
 Նա մի հսկայ է, թէև ոչ քեզ պէս,
 Հասակին նայես, սօսի է կասես:
 Եւ շատ զօրեղ է, մեղանում չըկայ
 Նըրա չափ ուժեղ և ոչ մի հսկայ.
 — «Ինչո՞ւ ուրեմն մարդու չի գնում»:
 — Իւր անուան վայել փետայ չի գտնում.
 Ասում են՝ շուտով նրա մօտ կըկայ
 Հեռու աշխարհից մի մարդ աժդահա.
 Այսպէս է երգել մի պանդուխտ գուսան,
 Մեր Հայկանուշն էլ մնում է նրան:
 Յուզուեցաւ Տորքը, երեսը փայլեց,
 Պարզամիտ հովիւն անգամ նկատեց,
 Որ կոյր գուսանի երգած աժդահան
 Պէտք է որ լինի այս պանդուխտ հսկան.
 — Երանի՛ նըրան, ասաց պատանին,
 Ով Հայկանուշին կառնէ ամուսին.
 Նա շատ բարի է և այնքան զրթած,
 Որ մեր կանանց մէջ դեռ չի տեսնուած.
 Ով լծկան չունի, լծկան է տալիս,
 Հատերին լրծած գութան է տալիս,
 Իւր է, թէ պանիք, նա բոլոր տարին
 Միշտ բաժանում է չունեցողներին:
 — «Ինչորեմ ցոյց տաս ինձ, ասաց մեր հսկան,
 Ուրիշ զնացող կարճաւօտ ճանպան:

— Այս ճանպան ահա թէ ուղիղ բռնես,
 Գեռ կէսօր չեղած՝ Ուրիշ թ կըհասնես:

4.

Մօտ է կէսօրը, ժամ է ճաշելու,
 Փորի պահանջը լրացնելու.
 Հայկանուշն այսօր շատ լաւ ճաշ ունի,
 Լաւ ձուկ, լաւ խորուած, թէև անգինի.
 Հատ է ցանկանում, որ հիւր զայ իրան,
 Թէկուզ երազում տեսած աժդահան:
 Բերդի դռները բախում են ահա,
 Եւ այդ բախողն է մի մարդ աժդահա.
 Բախում է բախում, բայց չեն բաց անում,
 Կարծես նրա հետ հանաք են անում.
 — Մնաս, ճայն չըհանէք, դուռը չըբանաք,—
 Ասաց տիրուհին, բայց... ա՛յ ձեզ հանաք.
 Երկաթէ դուռը հսկան խորտակեց,
 Ինչպէս գեչի թուղթ նրան ծալծեց.
 Եւ վեր բարձրացաւ քարէ սանդուղքով
 Ինչպէս մի մանուկ մօրիցը խրով.
 Կամ ինչպէս աղքատ քաղցած ու տկուր,
 Սանդուղքի գլխին նստեց գլխակուր.
 Աղախինները երբ Տորքին տեսան,
 Սաստիկ վախեցած՝ փախան ներս մտան:
 — Ինչո՞ւ էք վախում, ասաց տիրուհին,
 Պէտք է հրաւիրել նորեկ հսկային:
 Եւ ինքը գնաց Տորքին մօտեցաւ,
 Եւ իբր ինքն իրան այսպէս խօսեցաւ.

—Ո՛վ պէտք է լինի արդեօք այս հսկան,
 Սա չէ՞ աժդահա Տորքը Պասքամեան.
 Էլ ուրիշ ի՞նչ մարդ կարէր յանդգնել
 Իմ բերդի դուռը այսպէս խորտակել»:
 Տորքն էլ ըսկրսեց. իբրեւ ինքն իրան,
 Տալ Հայկանուշին այսպէս պատասխան—
 —«Երբ ճանաչում է Անգեղեայ Տորքին,
 Դուռն ինչո՞ւ փակեց նրա երեսին.
 Սա մի խաղ խաղալ միայն ուզեցաւ,
 Եւ հետեւանքն էլ այն էր, որ տեսաւ.
 Տորքն ահա կերթալ, դուռը կըշտկէ,
 Ինչպէս առաջ էր, այնպէս կըկողբէ»:
 Եւ Տորքը գնաց դուռը լաւ կոփեց.
 Սուր եղունգներով յղկեց ու կոկեց,
 Ժանդոտած դուռը այնպէս պլպլաց,
 Կարծես արծաթից լինէր նոր ձուլած:
 Երբ նորից գնաց իւր տեղը նստեց,
 Հայկանուշը նրան քաղցր աչքով նայեց.
 —Ինչո՞ւ ես նստում, ասաց, չոր քարին,
 Պէտք է լաւ ճաշ տալ քեզ պէս ճարտարին.
 Ճանապարհորդ ես, քաղցած կըլինիս,
 Թէ՛ հաց ուտելու ախորժակ չունիս»...
 —«Քաղցած եմ, այո՛, բայց շատ եմ քաղցած, —
 Յոգոց քաշելով՝ մեր հսկան ասաց.
 Ի՛նչ հաց պիտի տաս, որ ես կշտանամ,
 Ի՛նչ ջուր պիտի տաս, որ ես զովանամ.
 Իմ հացն ու ջուրը,—գիտե՞ս որն է այն,
 Քո սէրն է, հոգիս, քո սէրն է միայն.
 Մի՛ նայիր որ ես կոպիտ եմ ու բիրտ.
 Այս կոպտութեան մէջ կալ մի քնքուշ սիրտ,
 Որ քեզ գլխովին իւր մէջ կամփոփէ
 Եւ միշտ քեզ համար միայն կըտրուփէ.

Ահա եկել եմ ընկել ոտքերըդ,
 Կամ ինձ սպանիր, կամ տուր ինձ սէրըդ:
 —Դեռ ժամանակ չէ, ասաց տիրուհին,
 Յետոյ կըխորհինք քո սիրոյ մասին:—
 —«Ես քո ըստրուկն եմ. դու ինձ հրամայիր,
 Թէկուզ քո շան տեղ զըռանդ կապիր,
 Որ քեզ պահպանեմ աչքիս լուսի պէս,
 Ոչ մի փորձանքի դու չըհանդիպես»:
 —Դու ինձ կազատես շատ փորձանքներից,
 Բայց ո՞վ կազատէ ինձ քո ճանկերից:—
 Այս խօսքի վերայ Տորք և Հայկանուշ
 Քանձ-քան խնդացին և խինդն էր անուշ.
 Եւ իբրեւ վաղուց ծանօթ իրարու,
 Կուշտ-կուշտ ճաշեցին, առանց ուտելու:

5.

Սիրում էր Տորքը, սիրում էր անկեղծ,
 Սիրում էր սիրով անբիծ, անտխեղծ.
 Եւ կոպտատարազ իւր դէմքը մըթին
 Դառել էր սիրոյ ցոլացնող լուսին.
 Այն կերպարանքը և հայեացքն ահեղ,
 Որ քարացնում էր մարդկանց տեղնուտեղ,
 Այժմ դառել է մի վճիտ աղբիւր,
 Որից բղխում է սէր հեղահամբոյր...
 Ի՛նչ քաղցր ժպիտ, ի՛նչ քնքուշ շարժումաճք.
 Ե՛րբ է ունեցել անճոռնի կազմուածք...

Որքան կրակը վառվում է, այրում,
Այնքան տաքցողը հեռու է կանգնում.
Երբ վարուժանը շատ է կշկշում,
Մարին փախչում է, թուփի մէջ թաքչում.
Տորքն ինչպէս սոխակ երգում է պէս-պէս,
Իսկ Հայկանուշը լուռ է վարդի պէս.
«Այո», «ոչ», «գուցէ», երկդիմի խօսքով
Պատասխանում է անորոշ մըտքով:
Խոհեմութիւնը՝ յատուկ իւր սեռին՝
Իբրեւ մի սուր զէնք՝ պահում է ձեռին.
Եւ ասում է նա Տորքին վերջապէս.
— «Աղջիկ առնելը չի լինիլ այդպէս.
Դու շատ ուժով ես, այդ ես լաւ գիտեմ,
Բայց ի՞նչ էլ լինիս, ես պէտք է կռուեմ:
Քո եղունգներըդ, այո՛, շատ են սուր,
Բայց ես էլ ունիմ վահալանի թուր,
Որին չի դիմնալ և ոչ մի հսկայ,
Թէկուզ նա լինի քեզ պէս աժդահա»...
— «Սիրուն Հայկանուշ, ասում է հսկան,
Արի մի՛ անիր դու ինձ խելքահան.
Ես վախեցող չեմ և ոչ մի թրից,
Թէկուզ նա լինի ընկած երկնքից.
Բայց ի՞նչպէս դու՛րս իմ ձեռքը կուպիտ
Քնքուշ նազելույդ առնել իւր խրտիտ.
Խոստովանում եմ ինձ յաղթահարուած,
Ես քո գերին եմ, քո ոտքերն ընկած.
Դու քո փոխանակ ցոյց տուր հարիւրին,
Թէկուզ հազարին, տասը հազարին,
Հրամայիր ինձ՝ շարժեմ այս լեռուր,
Ասա՛ պոկոտեմ ամբողջ անտառը,

Վարարած գետի ընթացքը փոխեմ,
Սարեր ու ձորեր իրար հետ խառնեմ,
Լեռներ կարող են իմ ձեռքով փլչել,
Բայց քեզ, Հայկանուշ, չեմ կարող դիպչել...
— «Եթէ այդպէս է, ուրեմն զնա՛
Եւ բեր ինձ համար քսան աժդահա.
Կերթաս Ձորոփոր, ուր քարայրերում
Քեզ պէս յաղթանդամ մարդիկ են կենում.
Եթէ նրանցից քսանին գերես,
Դրանով իմ անուան պատիւ կրբերես.
Եթէ ոչ՝ զիտես մերոնք ինչ կասեն,
Ի՞նչ բամբասանքներ վըրաս կըբարդեն.
Կասեն՝ փախցրել է, փախցրել է նրան
Լեռներից փախած մի թափառական. . .



ԵՐԳ ԵՐՐՈՐԴ

1.



ՆԱՅ մեր Հսկան՝ ձեռքին մի գերան,
Որ զործ էր դնում իբրեւ գաւազան.
Բայց այստեղ պէտք էր մի լաւաջաբան,
Թէ սա ինչ բան է և ինչի նման.

Հալկանուշն եթէ սիրում էր Տորքին,
Ինչու էր վտանգ դնում առաջին.
Ասում է՝ «գու ինձ պատիւ կրբերես,
Թէ գնաս քսան ածղահա գերես»:

Ածղահան ձուկ չէ, որ Տորքը բռնէ.
Անգոր ածղահէք զրտեղ կրգտնէ.
Այս հանելուկը կրլուծուի ինքն իրան,
Եթէ մտածենք Հսկայի նման:

Մանրը մարդիկը չըգիտեն պատիւ.
Նախնեաց աւանդը չեն պահում խոտիւ.
Էլ չեն հարցնում, թէ ինչ է կամ ո՞վ,
Գուցէ բռնուած են մի անյայտ ցանցով.
Օտարից անգամ չեն քաշվում, խորշում,
Խօսքմէկ են անում, իրար հետ փախում.

Մրտող ձեռքը թշուառ թղուկի
Կարող չէ հասնել բարձր ճակատի:
Հսկաներն ունին պատուապահութիւն,
Գրբանից բարձր չունին սրբութիւն.
Յեղի, սերնդի, օջախի պատուին
Թէ մեծ, թէ փոքր պէտք է գոհ լինին:
Էլ չըմեղադրենք մեր Հալկանուշին,
Եթէ նեղութիւն տուաւ նա Տորքին.
Այդ դժուար բան է գուցէ մեզ համար,
Իսկ Տորքի համար դա էր խաղ ու պար...

2.

Ինչպէս ասացինք՝ գնաց մեր Հսկան,
Որ գերի բերէ ածղահէք քսան.
Հասաւ Չորոփոր՝ Հսկաների մօտ,
Մտաւ մի խրամ խոր ու քարքարոտ.
Առիւծի նման այնտեղ մօնչաց,
Նրա ահեղ ձայնից ձորը դրմբաց.
Գուրս եկան Հսկայքն իրանց բներից,
Խրամի ժաշոյի պատառուածներից.
Նայեցան տեսան մեր Հսկայ Տորքին
Ներքեւում կանգնած, մի գերան ուսին.
Ձեռքով են անում:—Արի վեր մեզ մօտ,—
Ասում են Հսկայքն հիւրերի կարօտ:

Վերև բարձրացաւ մեր անհարթ հսկան,
 Մտաւ ճորեցոց քարէ բնակարան:
 Տան նահապետը՝ առույգ ծերունին
 Պատուով ընդունեց իւր պանդուխտ հիւրին.
 Յատակի վրայ նոր գորգ փռեցին,
 Եւ վերի ծայրին նրան նստեցրին.
 Տան երեխէրքը՝ թէ մեծ, թէ փոքր,
 Մօտեցան կարգով՝ ձեռքը պաշեցին,
 Տաշտակը բերին ջահել հարսները,
 Մաքուր լուացին հիւրի ոտքերը:
 Մի բոպէ չանցած, մօտ հարիւր չիտուն
 Հսկաներ եկան հիւրին տեսութիւն.
 Խոր ու լաջնարձակ ժայռէ մաղարան,
 Գարձաւ հսկայից մի ժողովարան:
 — «Բարձր ես եկել, մեր աչքի լոյսն ես»,
 Ամեն նոր մտնող ասում էր այսպէս:
 «Պու ով ես կամ ինչ» էլ չեն հարցրնում,
 Այս տեսակ կանոն չըկայ նրանցում.
 Մինչև երեք օր հիւրին կըպատուեն,
 Յետոյ այդ բանը նրան կըհարցնեն:
 Ամբողջ երեք օր տօն կատարեցին,
 Այնպէս փառաւոր հիւրին պատուեցին.
 Մէկը բերում էր ձուկը նոր բռնած,
 Միւսը մի քանի էրէ շալակած,
 Մէկը վայրենի թռչուններ պէս-պէս
 Միւսը տանու հաւ և մածնի երես.
 Բոլոր համայնքը բերում էր սեղան,
 Սեր ու արաժան, թխուածք զանազան:
 Նուազում էին քնար ու սրինգ,
 Պարում ու երգում տղայ ու աղջիկ.
 Պար էին բռնում և պառաւ ու ծեր,
 Այսպէս սէր, հրճուանք Տորքը տեսած չէր:

3.

«Երբ վաղեկեցի այսքան աղ ու հաց»,
 Մեր Տորքն ինքն իրան այսպէս մտմտաց,
 «Էլ ինչպէս կարամ սրանց հետ կուռել,
 Մէկի կամ միւսի մի մազին դեպչել.
 Թող Հայկանուշը այլ բան պահանջէ,
 Եւ ոչ իմ եղբարց արիւնը ուզէ.
 Ինչ որ կարող է մարդ անել սիրով,
 Նոյնն անել կարող չէ նա իւր ուժով:
 Թող ուժը լինի մարդուս օգնական,
 Բայց սէրը լինի միշտ գործածական.
 Այս մարդիկն ահա անխարդախ սիրով
 Ինձ կաշկանդեցին սուրբ աղ ու հացով:

4.

Չորս օրից յետոյ Տորքը բացուեցաւ,
 Հսկաների հետ այսպէս խօսեցաւ.—
 — Սիրելի եղբարք, չորս օր է անցել,
 Բայց դուք իմ մասին բան չէք իմացել,
 Թէ ինչ պատճառով, ինչից ստիպուած,
 Ես թափառում եմ սար ու ձոր ընկած:
 Դուք ինձ ցոյց տուիք սէր, ուրախութիւն,
 Քաջերի վայել հիւրասիրութիւն,
 Աստուած շէն պահէ ձեր տուն ու տեղը:
 Հաստատ պահէ ձեր սերունդն ու ցեղը.
 Ձեզ մօտ եկել եմ ես մի խնդիրքով,
 Պատմեմ ահա ձեզ մի քանի խօսքով.
 Ուփրէթ բերդումը,—տեղեակ կըլինիք,—
 Կենում է մենակ մի սիրուն աղջիկ,

Նրան ընտրել եմ ես իմ հարսնացու,
Ուզում եմ առնել առանց կռուելու.
Եկել եմ հիմա ձեր ոտքն ընկել,
Ձեր օգնութեանն ու խորհրդին դիմել.
Կամ ինձ մորթեցէք, թաղեցէք այստեղ,
Կամ եկէք զնանք ինձ հետ միատեղ.
Որ առանց կռուի առնենք մի աղջիկ,
Խաղաղ ու սիրով կատարենք հարսնիք»:

Լուեց մեր հսկան, խօսեց ծերունին.
— Տղէք, ասաց նա միւս հսկաներին,
Հին հէքիաթներում, լսած կրիներք,
Երբ մարդուկները ուզում են աղջիկ,
Եւ այն աղջրկան փախցնում են դէվեր,
Տանում մութ աշխարհ կամ մթին ձորեր,
Մարդուկն այնտեղից հանում է նրան,
Եւ դառնում նրա քաջագործ փեսան:
Մի մեծ պարծանք է, երբ թզուկ մարդիկ
Ուժով ու կռով առնում են աղջիկ.
Բայց ինչ պարծանք է, որ զօրեղ հսկան
Իւր ուժը ցոյց տալ ապագայ կնկան.
Դրա հակառակ՝ եթէ ցոյց տար սէր,
Այդ ճշմարիտ որ պարծանք կրիներ:
Ես շատ հաւան եմ մեր հիւրի մտքին,
Այսպէս է վայել վեհանձն հսկային.
Մեր Հայկանուշը չէ՛ մութ աշխարհում,
Եւ ոչ գերի է դէվերի ձեռքում.
Նա ինքնազուլիս, անկախ, ինքնիշխան,
Կենում է բերդումն իւր հայրենական.
Գնացէք ուրեմն քաղցրութեամբ, սիրով,
Ուրախ ու զուարթ, երգով ու պարով,
Առաջարկեցէք լամառ աղջրկան,
Որ տեղիք չըտալ մենամարտութեան:

Ես էլ ձեր ետքից խոնջացած ոտքով
Կրգամ օրհնելու պսակն իմ ձեռքով:
Թողէք ձեզ հետ գան տղէք, աղջկէք,
Որ այնտեղ սարքեն գեղեցիկ պարերդ»:

Լուեց ծերունին, քարայրը թնդաց,
Գնանք, հայ գնանք, — ամեն ձայն գոռաց.
— Ես համաձայն չեմ, — գոչեց մի հսկայ,
Որ թինկն էր տուած մի ժպուի վըրայ, —
Հայկանուշն ունի քսան փեսացու,
Մինը մէկէլից զօրեղ, ահարկու.
Այդ գազանները զլուխ վեր առած,
Միշտ թափառում են սար ու ձոր ընկած.
Ծորփորցիք են անխելք ու անբան,
Մարդավարութեան չունին հետք, նշան.
Ի՞նչպէս հասկացնենք այդ անմիտներին,
Որ քար չըձգեն երեխաներին.
Ես հաստատ զիտեմ, որ առանց կռուիլ
Անհնարին է, ոչինչ չի լինիլ»:
— «Գուք ինձ պահ տուէք երեխաները, —
Պատասխանում է բարեսիրտ ծերը, —
Ես կըպահպանեմ սրանց անվնաս,
Ոչ մէկի գլխից չի պակսիլ մի մագ.
Մենք այսօր կերթանք բերդը կրմտենք,
Իսկ դուք վաղն եկէք, մենք ձեզ կըսպասենք.
Եթէ հաւան էք դուք իմ ասածին,
Էլ մի արգելէք երեխաներին»:

Ժիր երեխէքը այս որ լսեցին,
Այլոր պապի վզին փարուեցին.
«Պապի, մեզ ունենք շատ նեառ ու աղեղ,
Կուգեա՞ն զօրք կազմենք շատ քաջ ու ահեղ»:
Խնդաց ծերունին, ինքն էլ մանկացաւ,
Անգէն փոքրերին մի-մի զէնք տուաւ,

Որին նետաղեղ, որին պարսատիկ,
 Որին մի կոպալ գլուխը հաստիկ,
 Որին մի դաշոյն, որին մի նիզակ,
 Մէկին մի ձողի, միւսին մի մաշակ.
 Իսկ նուագածու երգեցիկ աղջկունք,
 Վերցրին իրանց հետ փող, սրինգ, թմբուկ:
 Երեխէրքն այսպէս մի զօրք կազմեցին,
 Եւ իրանց պապին շրջապատեցին.
 «Հնապա, երեխէրք, մի յառաջ, մի լետ»,
 Կանչեց ծերունին իբրեւ զօրապետ.
 Խնդացին բոլոր հսկայքն ահաւոր,
 Երբ տեսին մանկանց բանակ զօրաւոր:

5.

Գնաց բանակը. կէսօրին ահա
 Լուր եկաւ արդէն, որ բերդումն է նա.
 Բերդումն ըսկսուեց սրինգ ու թմբուկ,
 Եւ ամբողջ գիշեր բարձրացաւ աղմուկ.
 Թնդաց Ուփրէթը, դղրդաց սար ձոր,
 Եւ ձայնը հասաւ մինչեւ Ծորբոփոր:
 Ծորբոփորեցի քսան ափդահա
 Լոյսը չբացուած՝ եկել են ահա,
 Բերդի պատի տակ իրարից հեռու
 Չնթռել են իբրեւ զաղան ահարկու:
 Մերոնք էլ եկան Տորքի հետ մէկտեղ
 Մինչեւ երեսուն հսկաներ ահեղ:
 Ծորբոփորեցոյ Տորքը բարեւց,
 Ոչ ոք բարեւին չըպատասխանեց.
 —«Բարեւ՝ ձեզ, եղբարք», կրկնում է Տորքը,
 Որ տեսնի նրանց մարդութեան շնորհքը,

Դարձեալ լուլթիւն, ոչինչ ձայն, ծպտուն.
 Կարծես մարդիկ չեն, այլ համր անասուն:
 — «Ես աղգականն եմ այս Հայկանուշի,
 Եւ այսօր սրան պիտի տամ մարդի,
 Եթէ դուք էլ էք փեսացուներից,
 Պէտք է չըփախչիք ըմբշական մարտից.
 Մէկը կըյաղթէ մէկէլ ուզողին,
 Աղջիկը կըմնայ վերջին յաղթողին.
 Եթէ ուզող էք, եկէք ներս գնացէք,
 Աղջկայ առջեւ մենամարտեցէք»:

Ծորբոփորեցիք իսկոյն վեր թռան,
 Եւ ներս խուժեցին փղերի նման:
 Բոլոր հիւրերը բարձրացան վերեւ,
 Իսկ ըմբիշները կանգնեցան ներքեւ.
 Ամենից վերջը Տորքը վեր ելաւ,
 Եւ Հայկանուշին զեկուցում տուաւ. —
 —«Բացի հիւրերից եկել են ահա
 Իրանց կամքովը քսան ափդահա,
 Թող սրանք կռուեն, իսկ մենք կընայենք,
 Եւ վերջինի հետ հաշիւ կըտեսնենք»:
 — «Հիմա թողէք ինձ, ասաց ծերունին,
 Որ հասկացնեմ մեր այս քաջերին,
 Ուղիղ կանոնը մենամարտութեան,
 Որ արդեւ չըլինին մեր ուրախութեան.
 Եւ հասկացրեց, որ վիճակ ձրգեն,
 Վիճակն ում ընկնի, նախ նրանք մրցեն:
 Փողեր հնչեցին, թմբուկներ զարկին,
 Եւ ըմբիշներին աշխուժի բերին.
 Իսկ Հայկանուշը պատշգամբի վրայ
 Նստած է իբրեւ մրցման առարկայ.
 Երբ նայում են նրան փեսացուները,
 Կրկնապատկում է նրանց ուժերը:

Ահա երկուքը ասպարէզ մտան,
 Կռուարար ցուլի ու զոմշի նման.
 Պրտտեցին երկար, մինչև վերջապէս,
 Իրար ճանկեցին երկու արջի պէս.
 Մինը մէկէլից խիզախ, Համարձակ,
 Թնդաց զետինը նրանց ոտքի տակ.
 Մերթ բարձրանում են, մերթ զետնին քսվում,
 Մերթ զոմշի նման գլուխ գլխի դարկում.
 Չօքում ու կանգնում, վայր ընկնում կրկին.
 Ոչ մէկի մէջքը չի խփվում զետնին.
 Ամբողջ երեք ժամ այսպէս կռուեցան
 Եւ հետըզհետէ աւելի տաքցան.
 Իրար միս բռնած առիւծի ճանկով,
 Դժբախտում էին ինչպէս աղցանով.
 Վերջն ինչպէս եղաւ՝ մէկը սալթաքեց,
 Մէկելը նրան յաղթած Համարեց,
 Բայց ընկած հսկան վեր թռաւ կրկին
 Եւ նորից բռնեց իւր ախոյեանին,
 Բռնեց, բարձրացրեց, և այնպէս զարկեց,
 Որ մէկ թգաչափ զետնի մէջ թաղեց:
 Եւ նա յաղթուեցաւ, յաղթուեցաւ իսպառ,
 Մեռածի նման մեկնուեց շնչառաւ.
 «Ապրիս, քնջ, ապրիս», — հիւրերն ասացին,
 Եւ յաղթող ըմբշին զովաբանեցին.
 Բայց միւսներին էլ նա պիտի յաղթէր,
 Որ նպատակին հասած Համարուէր.
 Եւ հեշտ չէր յաղթել բոլոր քսանին,
 Նա հազիւ յաղթեց միայն երեքին,
 Հինգերորդ հսկան չորս հոգու յաղթեց,
 Իսկ տասներորդը տասնին վայր ձգեց.
 Անունն Աւագ էր, ամենից զօրեղ,
 Սա պիտի յաղթէր և Տօրքին ահեղ:

Տօրքը վեր կոչեց Աւագ հսկային,
 Եւ նստեցրեց նրան իւր կողքին.
 — «Դու եղար յաղթող, ասաց մեր հսկան,
 Քեզ արժանի է պարգև պատուական.
 Բայց դարձեալ մէկին դու պիտի յաղթես,
 Որ մրցանակը լրիւ վաստակես.
 Եթէ դու ինձ հետ կռուել չուզենաս,
 Դարձեալ մեր այս տան փեսայ կը դառնաս.
 Այս աղջիկներից մէկը քեզ կը տամ,
 Եւ քեզ հետ սիրով եղբայր կը դառնամ»:
 — «Իսկ Հայկանուշին դու ինքըդ կ'առնես,
 Եւ խաղ ու պարով Հարսանիք կ'անես.
 Ես համաձայն չեմ. կրկուսէնք մէկտեղ,
 Թէկուզ դու լինիս ինձանից զօրեղ.
 Թող Հայկանուշի Համար ես մեռնիմ,
 Բայց ոչ ուրիշի ամուսին լինիմ.
 Կամ պէտք է յաղթել և կամ թէ մեռնել,
 Յաղթահարութիւն չեմ կարող տանել»:
 — Յոգնած ես այսօր, դեռ Հանգստացիր,
 Ու ինձ հետ փոքր ինչ մօտ ծանօթացիր,
 Եւ այնուհետեւ երբ որ ուզենաս,
 Ինձ միշտ Հրամանիդ պատրաստ կուենաս»:
 — «Զատ լաւ պայման է, ասաց ծեր հսկան,
 Ձեր մրցութիւնը կը թողնենք վաղուան»:
 Ծեր հսկայի խօսքն ըմբշն ընդունեց,
 Եւ իսկոյն մի ճոխ սեղան պատրաստուեց,
 Կանչեցին և միւս ատգահաններին,
 Որ Հացկերութիւն մասնակից լինին.
 Կերան, կշտացան և զուարթացան,
 Յոգնածութիւններն իսպառ մոռացան:

Ճաշելուց լետոյ ծերունի հսկան
 Կանչեց ամենին մարմնամարդութեան.
 Խաղեր խաղացին, խաղեր զուարճալի,
 Բայց հսկայական և շատ ահուելի.
 Այս խաղերի մէջ մեր Տորք աժդահան
 Չունէր ախոյեան հաւասար իրան.
 Նա ցոյց էր տալիս ուժ այնքան ահեղ,
 Որ բոլոր հսկայք չունէին մէկ տեղ.
 Գնդակ էր ձեռքին, թէ լսիտ ահագին,
 Կաշկանդէլ էր պէտք, թէ հրէլ մէկին.
 Յատկելու խաղ էր, թէ վնդ մի ոտքով.
 Տորքն էր միշտ յաղթում, իսկ նրան՝ ոչով:
 Երբ ուզում էին գնդակը խել,
 Թափվում էին վրան քսանից աւել.
 Որը թիկունքին, որն ուսին նստում,
 Մի քանի հոգի ոտքերից բռնում,
 Բայց հսկան այսպէս փղի պէս բարձուած,
 Վազում էր ինչպէս ճանճահար եղած:
 Իբրեւ կարգադրիչ հսկայ ծերունին
 Խաղից հեռացրեց Անդեղ հսկային.
 — «Եկ ինձ մօտ նստիր, ասաց խնդալով,
 Դու խանգարում ես սրանց քո խաղով:
 Տորքը հեռացաւ, խաղն էլ վերջացաւ.
 Բայց իսկոյն մի նոր հանդէս սարքուեցաւ.
 Ծերունին արդէն տուել էր պատուէր,
 Որ մէջ տեղ բերին կաղնու թարմ ոտտեր.
 Տղայ ու աղջիկ եկան խմբովին,
 Զրջապատեցին մեր Տորք հսկային.
 Իսկ փոքրիկները Տորքի գիրկն ընկան,
 Նրանց փայփայեց քնքշացած հսկան.

Մի երգ երգելով ձայնով ներդաշնակ,
 Կաղնու ոտտերից հիւսեցին պսակ,
 — Այս մէկ պսակը, ասաց ծերունին
 Պէտք է ընծայեմ Աւագ հսկային:
 — Ես արժանի չեմ, ասաց Աւագը,
 Քանի որ մեր մէջ կայ հզօր Տորքը.
 Նա բարձր է կանգնած ամեն նախանձից,
 Այդ երեւցաւ հիմիկուն խաղից.
 Սա մարմնեղէն չէ, այլ ժայռից կազմուած,
 Կամ թէ՛ ո՞վ զիտէ՛ մա՞րդ է, թէ՛ աստուած.
 Մենք պաշտել միայն կարող ենք սրբան,
 Եւ ոչ թէ դառնալ ախոյեան մրցման:—
 — Ես զարմանում եմ, ասաց ծերունին,
 Ծորոփորեցիք այսչափ խելք չունին:
 — Ծորոփորցի չեմ, ասաց Աւագը,
 Մեր գիւղն է Բողնու Երկաթահանքը.
 — Այդպէս ասէիր,— ուրեմն հիմա՝
 Ինչպէս Տորքն ասաց՝ կրդառնաս փեսայ,
 Կընտրես քսանից որին կամենաս,
 Եւ հզօր Տորքին եղբայր կրդառնաս:
 — Դեռ ժամանակ չէ, երբ Տորքն ուզենայ,
 Ես ուրախութեամբ կրդառնամ ծառայ:
 Յուզուեցաւ Տորքը, իսկոյն վեր կացաւ,
 Հսկայի ճակտին մի համբոյր տուաւ.
 «Եղբայր ենք», ասաց և զգուեց նրան,
 Ինչպէս զթոտ մայր իւր սիրուն մանկան.
 — «Իսկ դու, Հայկանուշ, դարձաւ ծերունին
 Ուրախ ժրպիտով դէպի տիրուհին.
 Ի՞նչ առիթ ունիս հիմա բերելու,
 Միտք չունիս արդեօք մենամարտելու.
 — Ես հնազանդ եմ, ինչպէս որ վճռես,
 Կրմենամարտեմ, եթէ հրամայես.

— Ես կըհրամայեմ, որ մեր օրէնքով
Մրցէք իրար հետ, բայց... սիրոյ գէնքով.
Թող սէրը լինի ձեր գէնքը մի հատ,
Սիրեցէք միմեանց մինըդ միւսից շատ,
Դու նրան պաշտպան, նա քեզ պահապան,—
Ահա օրէնքը սուրբ ամուսնութեան:

Ծերունու առջև Տորք և Հայկանուշ
Չօքեցին ինչպէս երեխայք քնքուշ,
Կաղնի պտակներն առաւ ծերունին
Օրհնելով դրաւ երկուսի գլխին,
— Հնապա, երեխէրք, թմբուկ ու փողեր
Հնչեցէք մէկտեղ, թող թնդան ձորեր. . .

8.


Ըստ սովորութեան՝ հէքիաթի վերջում
Երկնքից երեք խնձոր է ընկնում.
Բայց մեր գրոյցի վերջումն այս անգամ
Վերեւից եկաւ մի հզօր պատգամ:

Գուգարաց բղեշխն իւր այրուծիով,
Եկաւ արքայի հրովարտակով.
Ահա բաց արաւ մի երկայն գլան,
Մէջիցը հանեց գիրն արքայական.
Իւր այդ գրովը արքայն ինքնակալ
Տորքին շինել էր հզօր կուսակալ
Եւ իւր աշխարհի մասն արեւմտեան
Յանձնել էր նորա կառավարութեան:
Կարդացին գիրը առանձին պատուով,
Տորքն էլ ընդունեց մեծ պատկառանքով:
Եւ այլ թանգազին ընծաներ պէսպէս,
Հանեց բղեշխը և բերաւ հանդէս.

Բերել էր մանեակ, գինդ, ապարանջան.
Գոհար ակներով մատնիք պատուական,
Կարմիր մաշիկներ մեր Տորքի համար,
Իւր նոր ստացած պաշտօնին յարմար.
Մի հսկայական սամուրէ մուշտակ,
Ոսկի և արծաթ մի հարիւր քսակ.
Իսկ Հայկանուշին՝ շղարշ ծիրանի,
Եւ արքայական լակիրթ մատանի.
Եւ մանրը մրժուր, պէս-պէս զարդարանք
(Թագուհուցն էին ուղարկուած նրանք):
Ինքը բղեշխը՝ մեծազանձ հարուստ,
Ընծայեց Տորքին իշխանի հագուստ:
Հսկայ հիւրերը մնացին ապշած,
Երբ տեսան Տորքին այդչափ մեծարած.
— «Ես ձեզ չառացի,— ասաց Աւազը,—
Որ ուրիշ բան է մեր զօրեղ Տորքը»:
Հարսնիքն ըսկուեց մի նոր խնդումով,
Նոր զուարճութեամբ ու կերուխումով.
Արքայից եկած արծաթն ու ոսկին.
Յորդ անձրևի պէս տեղաց գլխներին . . .

Հ/Կ





ՅԻՐԱՆ ԵՆԹԱԴՈՒԹՅԱՆ Ե ՎԵՐԱԶՈՒՄԻՆԻՑ

1917.

<< Ազգային գրադարան



NL0177913

